



IRAUNKORTASUN PLANA AURKEZPENA

2024





IRAUNKORTASUN PLANA AURKEZPENA

2024



Legezko Oharra

Iraunkortasun Plan Global honek ekintza-multzoa du helburu eta oso-osorik ala zati batean legeak eskatzen duenetik urrunago doa. Beren helburua garapen iraunkorrari ekarpena egitea da. Repsol taldeko enpresa partaideek horiei guztiei aurre egin eta betetzeko asmo irmoa dute.

Hala eta guztiz ere, betetzeko orduan aldatu, atzeratu edo indargabetzeko ahalmena gordetzen dute, legezko erantzukizunik izan gabe. Ildo horri eutsiz, kasu horiek jendaurrean justifikatzeko konpromisoa hartzen dute.

© PETRONOR, S.A. 2023: Eskubide guztiak gordeta daude. Agiri hau Petronor, S.A.ren jabetzakoa da eta oso-osorik edo zati batean erreproduzi daiteke bakarrik merkataritza-helbururik gabe hedatzeko bada.

EDUKIERAK

1.	Iraunkortasunaren gure ikuspegia	4
2.	Garapen Iraunkorraren helburuak	6
3.	2024ko Iraunkortasun Plana	7
3.1	Laburpena	8
3.2	Aldaketa klimatikoa	9
3.3	Ingurumena	15
3.4	Berrikuntza eta teknologia	20
3.5	Eragiketa segurua	25
3.6	Pertsonak	29
3.7	Etika eta gardentasuna	32
4.	Plana eguneratzeko prozesua	34

1. Iraunkortasunaren GURE IKUSPEGIA

Petronorrek honako hauxe du xede: energiaren eta produktuen arloan gero eta handiagoa den eskaerari erantzutea, garapen jasangarriaren alde egiten dugun ekarpena ahalik eta handiena izan behar dela kontuan hartuta; eta, 2050ean, berotegi-efektuko gasen (BEG) isuri garbirik gabeko konpainia izatea, gure **Jasangarritasun Politikan** adierazten den bezala.


Horretarako, gure **Jasangarritasun Eredua** sei jarduketa-ardatzetan dago antolatuta, eta ingurumen, gizarte eta gobernantza arloko gai nabarietak kontuan hartzen dira bertan.

Geure interes-taldeekin hitz egiten dugunez, behar besteko aukerak antzematen ditugu, geure eragin onenak ahalik eta handienak eta eragin txarrak ahalik eta txikienak izan daitezen. Urtero-urtero, aukera horiek **Jasangarritasun Planetako** ekimenetan gauzatzen dira, hau da, gure konpromisoak eta, ostean, gure aurrerakuntzak jakitera ematen dituzten ekintza-plan publikoetan.

Jasangarritasun Plan Globalean, konpainia moduan jasangarritasunaren arloan ditugun helburuak azaltzen dira, eta, **Tokiko Jasangarritasun Planen** bidez, ordea, ibilbide-orri hori hedatzen da herrialde edo industria-gune bakoitzean, geure jarduera garatzen dugun lekuetako inguruabarrak eta premiak kontuan hartuta.



Iraunkortasun plana Petronorren Ereduaren 6 ardatzen inguruan egituratzen da



ALDAKETA KLIMATIKOA

2050ean isuri garbirik ez daukan konpainia izan nahi dugu



INGURUMENA

Energiarik eraginkorrena sortzeko ezinbesteko baliabideak kontsumitzen ditugu, ahalik eta eragin txikienarekin



BERRIKUNTZA ETA TEKNOLOGIA

Berrikuntza sustatzen dugu eta aurrerapen teknologikoak eranstean ditugu gu eta gure ingurunea hobetu eta hazteko



ERAGIKETA SEGURUA

Gure langileen segurtasuna, kontratistena, bazkideena eta tokiko erkidegoarena bermatzen dugu



PERTSONAK

Pertsonen aldeko apustua egiten dugu, eta haien garapena zein lan egiten duguneko erkidegoena sustatzen ditugu



ETIKA ETA GARDENTASUNA

Gauden toki guztietan arduraz eta zintzotasunez jarduten dugu

2. Garapen Iraunkorraren HELBURUAK

2030erako Agendak eta bertako **Garapen Jasangarrirako 17 Helburuek** (GJH) honako hauxe dute helburu: txirotasuna desagerraraztea, planeta babestea eta gizaki guztien oparotasuna hobetzea. Petronoren, agenda horri eman diogu babes 2015ean onartu zenetik, eta konpromiso hori geure Jasangarritasun Politikan hartzen dugu kontuan.

7., 8. eta 13. GJHei ematen diegu lehentasuna, energiaren lorpenean, garapen sozioekonomikoaren sustapenean eta klima-aldaketaren ondorioak murrizteko ekintzan dugun zereginagatik. Horrez gain, honako hauexen aldeko apustua egiten dugu geure eragiketetan: uraren kudeaketa jasangarria (6. GJH), berrikuntza (9. GHJ) eta baliabideen erabilera eraginkorra (12. GJH). Jakin badakigu konpromiso horiek betetzeko funtsezkoa dela guztion artean lan egitea (17. GJH).

Urtero, **GJHen Txostena** argitaratzen dugu, eta, bertan, hainbat adierazle, proiektu eta lekukotasunen bidez, maila globalean nahiz tokian-tokian agendan egiten dugun ekarpena zein den erakusten dugu.

Aurrean ditugun erronken jakitun, 2021ean, IPIECA egin genuen, hau da, **petrolioaren eta gasaren sektorerako GJHen ibilbide-orria**. Azken bi urteotan, aurrera egin dugu ibilbide-orri horretan zehaztutako ekintzekin bat egiteko orduan, 2030erako Agendan ekarpen handiagoa egin nahian.

Hartutako konpromisoaren arabera, 2023an, 2030erako bidaiaren erdialdean, **2030erako Agendari buruzko Jardunaldia** egin genuen sektore pribatuko zenbait arlotako adituekin. Bertan, aurrerakuntza eta ahaleginak bikoizteko premia izan genituen eztabaidagai.



3. 2024ko Iraunkortasun plana

Tokiko testuingurua kontuan hartuta **Plan** honetan zehaztutako **ekintzek** **2030eko Agenda** babestea dute xede, honako helburu hauek jorratzean:



3.1 Laburpena



19

EKINTZA



Aldaketa klimatikoa

5



Ingurumena

4



Berrikuntza eta teknologia

4



Eragiketa segurua

3




Pertsonak

2



Etika eta gardenatasuna

1



3.2 Aldaketa klimatikoa

Gizartea bezala, kezkatuta gaude giza jarduerak kliman daukan eraginagatik, eta **konpromiso irmoa** daukagu Pariseko Hitzarmenarekin, baita industrializazioaren aurretiko mailei dagokienez planetaren batez besteko tenperaturaren igoera **2°Cren azpitik** mugatzeko daukan asmoarekin ere.

Azken hamarkadotan, posizio aurreratu eratu dugu Petronorren, **iragaitza energetikoari eta klima-aldaketaren aurkako borrokari dagokienez**.

Sektoreko aitzindariak izan gara, 2019an geure gain hartu genuelako **2050ean isuri garbirik ez edukitzeko** konpromisoa, Pariseko Hitzarmenean adierazten den bezala. Horrez gain, teknologiaren eta industrian daukan ezarpenaren aldeko apustua ere egin dugu.

Iragaitza energetikoa aurrekaririk gabeko erronka da. **'Trilema energetikoa'** dugu aurrez aurre, mix energetikoa deskarbonizatu behar delako eta, aldi berean, energia-hornikuntza fidagarri bezain merkea bermatu behar delako.

Gure ustez, **teknologia eta digitalizazioa** funtsezkoak izango dira, 2050ean isurien neutraltasuna lortzeko orduan. Bertan, gainera, honako hauexek izango dira deskarbonizazioaren sustatzaile nagusiak: gaur egungo eragiketen eraginkortasun energetikoa hobetzea, elektrifikazio berriztagarria sustatzea, erregai berriztagarriak bultzatzea (hidrogenoa, bioerregai aurreratuak eta erregai sintetikoak) eta karbonoa atzematea, erabiltzea eta biltegitratzea.

Klima-aldaketaren arazoa konpontzea erronka handia da gizartearentzat. **Petronorrek irtenbidearen parte izan nahi duenez**, helburu zehatzak dituen ibilbide-orria diseinatu du, eta horren betearazpenean ari da aurrera ekiten.





Aldaketa klimatikoa



EKINTZA

Eragiketen eraginkortasuna handitzea eta prozesu-ekipamenduetako isuriak murriztea.



AZALPENA

Zenbait ekipamendutako motorren ordez, elektrifikazioaren bidez eraginkorragoak diren beste batzuk jarriko ditugu. Horrela, haien eraginkortasun energetikoa handituko dugu, lurrunaren kontsumoa murriztuko dugu eta, horren ondorioz, ez dugu berotegi-efektuko gasik isuriko.



ADIERAZLEAK

Urteko 11.200 tona CO₂-ren isuria murriztea.



GIHEKIKO EKARPENAK





Aldaketa klimatikoa



EKINTZA

Gasolioak ekoizteko prozesuak deskarbonizatuko ditugu prozesuko isuriak murriztean.



AZALPENA

Unitateetako eraginkortasun energetikoa hobetuko dugu. Horretarako, korranteetan eskuragarri dagoen beroa erabiliko dugu lurruna sortzeko, eta galdaretako gasaren kontsumoa aurreztuko dugu.



ADIERAZLEAK

Urteko 10.300 tona CO₂-ren isuria murriztea.



GIHEKIKO EKARPENAK





Aldaketa klimatikoa



EKINTZA

Beroa berreskuratzeko ekipamenduen errendimenduak hobetzea.



AZALPENA

Lurrunaren sorkuntza handituko dugu FCC Unitateko flue-gasezko galdaran. Hori lortzeko, gaur egungo galdara kendu eta eraginkortasun handiagoko eta diseinu hobetuko galdara jarriko dugu. Galdara berri horri esker, goi-presioko lurrunaren sorkuntza handituko dugu orduko 5 eta 7 tona artean.



ADIERAZLEAK

Urteko 7 tona CO₂-ren isuria murriztea.



GIHEKIKO EKARPENAK





Aldaketa klimatikoa



EKINTZA

BIO produktuak erabiliko ditugu erregaiak ekoizteko orduan.



AZALPENA

Erregaien karbono-aztarna gutxituko dugu. Horretarako, bio jatorriko lehengaiak eta hondakinak prozesatu eta sartuko ditugu desulfuraziorako unitateetan, eta hidrogeno berriztagarria sartuko dugu erregaietan.



ADIERAZLEAK

Erregaien ekoizpenean bio jatorriko 50.000 tona sartzea.



GIHEKIKO EKARPENAK





Aldaketa klimatikoa



EKINTZA

Eraldaketa-proiektuek ingurunean dauzkaten arriskuak eta aukerak ebaluatzeko azterlana egitea.



AZALPENA

Ingurunearen gaineko arriskuak ebaluatzeko azterlana egingo dugu Petronorreko eraldaketa-proiektuei dagokienez. Proiektu horietan ingurunearen ikuspegia ulertzean, aukerei aterako diegu onura, gizartearentzako ekarpena ahalik eta handiena izango da eta geure jardueraren eragina gutxituko dugu.



ADIERAZLEAK

Azterlana 2024ko abendurako amaitzea.



GIHEKIKO EKARPENAK





3.3 Ingurumena

Petronorrek ingurumenaren arloan daukan konpromiso nagusia gizarteari energia zein produktuak hornitzea da, premiak eraginkortasunez estali ahal izateko. Horretarako, behar besteko neurriak hartu behar ditu, kapital naturalaren babesa, kutsaduraren prebentzioa eta baliabideen erabilera jasangarria sustatzeko, konpainiako **Ingurumen Politikan** adierazten den bezala.

Horretarako, behar besteko ekintzei ematen diegu lehentasuna, **geure jardueren ondorioz sortutako arriskuak antzemateko eta murrizteko**, ondorio kaltegarriak prebenitzeko eta ondorio onak sustatzeko, geure eragiketetan nahiz bezeroei eskaintzen dizkiegun produktu eta zerbitzuetan. Horretarako, behar besteko neurriak hartzen ditugu, **ekonomia zirkularraren** printzipioak ezartzeko, eraginkortasun energetikoa sustatzeko eta karbono-aztarna murrizteko.

Bete-bete lan egiten dugu, eragiketetarako lizentzia sozialari eusteko eta **geure balio-kate osoan jasangarriak gabela** egiaztatzeko. Horretarako, kapital naturalaren irizpideak ezartzen ditugu konpainiaren erabaki estrategikoak hartzean, eta, ingurumenaren kudeaketari begira, murrizketaren hierarkian oinarritutako neurriak ezartzen ditugu. Bertan, gainera, eraginen prebentzioa zein murrizketa eta geure eragiketak garatzen ditugun ingurumenaren berreskurapena dira ingurumena kudeatzeko oinarritzko tresnak.





Ingurumena



EKINTZA

Erregaien ekoizpenean ekonomia zirkularra sustatzea.



AZALPENA

G2 desulfurazio-unitatea eta beharrezko sistema logistikoa egokituko ditugu, biojetaren sorkuntza-ahalmena areagotzeko.



ADIERAZLEAK

Inbertsioa gauzatzea.



GIHEKIKO EKARPENAK





Ingurumena



EKINTZA

Uraren berreskurapena hobetzea eta Bilbao-Bizkaia Ur Partzuergotik datorren kontsumoa murriztea.



AZALPENA

Euskadin, uraren erabilera arduratsua bultzatuko dugu. Horretarako, administrazioarekin lan egingo dugu inguruko ur berreskuratua erabileran, geure prozesuen eraginkortasunean eta eraldaketako inbertsio arduratsu bezain jasangarrian.



ADIERAZLEAK

Muskizko eta Galindoko HHUAekin harremanetan jartzea eta azterketa egiteko bidea urratzea.



GIHEKIKO EKARPENAK





Ingurumena



EKINTZA

Inguruko ikasleekin eta boluntarioekin suteak suntsitutako baso-saila berritzea.



AZALPENA

Suteak erretako baso-saila berrituko dugu baso atlantikoko bertako espezieen bidez, biodibertsitatearen galera berrezartzeko. Jarduera Mello izeneko onura publikoko mendian garatuko da, honako hauexen koordinaziopean biodibertsitatearen galera eta bere zerbitzu biosistemikoak berrezartzeko: Bizkaiko Ingurune Naturala Kudeatzeko Saila, Muskizko Udala eta "El Cerro" izeneko borondatezko lanerako gizarte-erakundea.



ADIERAZLEAK

1. 500 ikasleren partaidetza ziurtatzea.
2. Basoko hektarea bat berritzea.



GIHEKIKO EKARPENAK





Ingurumena



EKINTZA

Erregai berriztagarren erabilera sustatzea Petronorreko jarduerarekin lotutako garraio-zerbitzuetan.



AZALPENA

Erregai berriztagarren erabilera (biodiesela) sustatuko dugu autobusen flotetan, Petronorri zerbitzuak ematen dizkietenak eta Petronorrek babestutako edo lagundutako ekitaldietan erabiltzen direnak kontuan hartuta.




ADIERAZLEAK

2024an hiru arrakasta-kasu lortzea.



GIHEKIKO EKARPENAK





3.4 Berrikuntza eta teknologia

Berrikuntza teknologikoa funtsezkoa da eredu energetiko jasangarriagoak eratzeko eta gure produktu zein zerbitzuen deskarbonizaziorako erronkari aurre egiteko.

Petronor Berrikuntzak Repsol Technology Labekin lan egiten du behar besteko teknologiak antzemateko, balioztatzeko eta garatzeko orduan, konpainia moduan deskarbonizazioaren arloan zehaztu dugun asmo handiko helburua lortzen eta negozioaren eraldaketa digitala egiten lagundu diezaguten.

Berezko ikerketa-lanaren osagarri, Euskadiko **Zentro Teknologikoen Sarearekin** lan egiten dugu honako hauexekin lotutako arloetan: energia-iturri berriztagarri berriak, bioerregaiak, robotika, sensorizazioa, konputazioa eta adimen artifiziala.

Hidrogenoaren Euskal Igarobidea (BH2C) energiaren sektoreko berrikuntzarako eta teknologiarako iturria da, eta Euskadin bertan hidrogenoaren ekosistema sortzea dauka helburu, energiaren, industriaren, bizitegiaren eta mugikortasunaren sektoreetako deskarbonizazioan aurrera egin ahal izateko. Petronorrek eta Repsolek sortutako ekimena da, eta honako hauexen laguntza izan dute bertan: 7 instituzio, 14 jakintza-zentro nahiz enpresa-elkarte eta 53 enpresa. Guztira, beraz, 74 erakunde dira, eta balio-kate osoko dozenaka proiekturen bidez hori egia bihurtzeko erabateko gaitasuna dute.





Berrikuntza eta teknologia



EKINTZA

Deskarbonizatutako erregaiak ekoizteko demostrazio-lantegia eraikitzea.



AZALPENA

Erregai sintetikoen lantegia eta 10 MW-ko elektrolizadorea eraikitzen hasiko gara, 2050ean inolako isuri garbirik ez edukitzeko eta, aldi berean, teknologia zein ekoizpen-eredu berrien ezarpena sustatzeko.



ADIERAZLEAK

1. Proiekturako IBI lortzea.
2. Portuko partzelaren esleipen-titulua erdiestea.
3. Eraikitze eta eraikitzen hasteko lizentzia lortzea.



GIHEKIKO EKARPENAK





Berrikuntza eta teknologia



EKINTZA

Ekoagregakinen fabrikaziorako lantegi industrialak eraikitzeke proiektua egitea.



AZALPENA

Hondakinak lehengai moduan erabilia, karbono dioxidoa (CO2) finkatzeko instalazioen eraikuntzarako proiektua betearaziko dugu. Lortutako produktua, ekoagregakina izenekoa, erabiliko dugu obra zibila egiteko. Horrela, ekonomia zirkularra sustatzaile moduan erabilia, geure gunea deskarbonizatzeko jarraitzen dugu lanean.




ADIERAZLEAK

1. Ingurumen Baimen Integratua (IBI) eta Hondakina Izateari Utzi Izana lortzea.
2. Lantegia eraikitzen hasia.
3. Bazkideekin hitzarmena sinatzea eta jarduera hau ustiatzeko sortutako sozietateko akzioak banatzea.



GIHEKIKO EKARPENAK





Berrikuntza eta teknologia



EKINTZA

Azpiegitura logistikoak eta mugikortasunerako hidrogenoaren banaketarako azpiegiturak garatzea.



AZALPENA

Abanto-Zierbenan kokatutako parke teknologikoan, lantegi logistikoa eraikitzen hasiko gara, Petronorreko findegiko elektrolizadoreko (2,5 MW) hidrogenoa eraikita dagoen kanalizazioaren bitartez jaso ahal izateko. Lantegi horretan bertan konprimatu eta biltegitratuko da, tangak (MEGC) kargatu ahal izateko eta, horien bidez, hidrogenoa beste leku edota bezero batzuei hornitu ahal izateko. Kokagune horretan bertan, HRS Abanto eraikiko da 350 - 700 bar-ko hidrogenoaren hornikuntza publikorako.




ADIERAZLEAK

1. Lantegi logistikorako eta HRS Abantorako permitinga lortzea.
2. Lantegi logistikoa eta HRS Abanto eraikitzen hasia.



GIHEKIKO EKARPENAK





Berrikuntza eta teknologia



EKINTZA

Industria-guneko digitalizazioa sustatzea 5G teknologian oinarritutako irtenbidearen garapenaren bidez.



AZALPENA

Komunikazioen arloko gaitasunak, fidagarritasuna eta segurtasuna hobetuko ditugu, 5G igortzeko gai den komunikazio-sareak eskainitako abantailei esker. Izan ere, Petronorreko industria-gune osoa estaliko du, baita itsas terminal hurbila eta hidrogeno berdearen sorkuntzarako lantegia ere.



ADIERAZLEAK

1. 5G sarea hedatzea.
2. Gutxienez, bi erabilera-kasutan ezartzea, haietako batean komunikazio kritikoak kontuan hartuta, eta beste batzuk ikuskaritza-ibilbideetan ezartzea.



GIHEKIKO EKARPENAK





3.5 Eragiketa segurua

Petronorrek behar besteko konpromisoa dauka **pertsonen osotasuna babesteko eta ingurunean zein ingurumenean inolako kalterik ez egiteko**. Aldi berean, ikuspegi fisikotik nahiz emozionaletik osasungarria eta segurua den lan-ingurunea badagoela ere bermatu behar du.

Konpromiso hori betetzeko, **arriskua kudeatzeko jarrera proaktiboa** eduki beharra dago, istripuetatik nahiz ohiko lan-jarduketetatik erakundeak berak ikasbidea atera dezan. Modu berean, segurtasuna kudeatzeko prozesu sendoak ere jarri behar dira abian.

Gaur egungo testuinguruan, eragiketa segurua **eragiketa digitaletara** ere hedatzen da. Honako faktore hauen ondorioz, etengabe areagotzen dira eragiketa digitalen arloko mehatxuak: munduko tentsio eta gatazka geopolitikoak, gero eta negozio-arlo gehiagotara zabaldutako digitalizazioa nahiz adimen artifiziala (AA) eta gero eta baliabide gehiago dituen eta AA ere modu estentsiboan darabilen ziberkrimena.

Orain dela hamarkada batetik, geure inguruan segurtasunarekin eta larrialdiekin lotuta dauden **instituzio eta administrazio publikoekin lan egiten dugu** honako arlo hauetako ekintzetan: prestakuntza, larrialdietarako simulakroak, komunikazio-sistemak eta larrialdietarako prozedurak. Horrela, erantzun azkarrena eta eraginkorrena bermatzen dugu findegiko bertako edo bertatik kanpoko segurtasunerako arriskutsua izan daitekeen edozer gertatuz gero.





Eragiketa segurua



EKINTZA

Petronorreko bertako sistematikaren bidez, instituzio publikoekin lan egitea suteak itzaltzeko prestakuntzetan.



AZALPENA

Prestakuntza edo prestakuntza-saioa egingo dugu larrialdietarako instituzio publikoekin, geure jardunbidea, larrialdietarako prozedurak eta komunikazio-sistemak sakon-sakon ezagutzeko eta kontzientziatzeko.



ADIERAZLEAK

Ekintza betearaztea eta prestakuntza ematea.



GIHEKIKO EKARPENAK





Eragiketa segurua



EKINTZA

Segurtasunerako lankidetzeta-ingurunea indartzea instituzio publikoekin.



AZALPENA

Larrialdietarako simulakroa egingo dugu zenbait instituzio publikoren laguntzaz eta partaidetzaz; esate baterako, Bizkaiko Suhiltzaileak, SOS Deiak, Ertzaintza...



ADIERAZLEAK

Simulakroa egitea.



GIHEKIKO EKARPENAK





Eragiketa segurua



EKINTZA

Benetako suaren erabilera murriztea suteen aurkako simulakroetan.



AZALPENA

Petronorreko langileek suteen aurka egindako praktiketako ikusizko inpaktua gutxituko dugu, eta, horretarako, benetako suaren erabilera mugatuko dugu geure instalazioetan.



ADIERAZLEAK

Benetako suaz egindako praktiken kopurua %50 murriztea.



GIHEKIKO EKARPENAK





3.6 Pertsonak

Gure langileak, erkidegoak, gure merkataritza-harremanak eta gure bezeroak gure Jasangarritasun Ereduaren funtsezko ardatza dira. Badakigu Petronor osatzen duten pertsonak gure **abantaila lehiakor nagusia eta konpainia jasangarria izateko gakoa direla.**

Honako honexen aldeko apustua egiten dugu: aukera-berdintasuna, langileetan oinarritutako talentu dibertsoaren kudeaketa, bitzita profesionalaren eta pertsonalaren arteko oreka, prestakuntza zein garapena eta talentuaren erakarpena nahiz euspena.

Enpresa-jarduera gero eta zorrotzagoa den eta gero eta informazio gehiago duen ingurune sozialean garatzen da, eta konpainiok ahalegindu egiten gara gurekin elkarreragina duten eragileekin **harreman sendoak** ezartzen, baina, batez ere, gure eragiketetatik hurbil dauden erkidegoekin, honako honexetan oinarrituta daudela kontuan hartuta: errespetua, sentsibilitate kulturala, osotasuna, erantzukizuna, gardentasuna, fede ona eta ez-bereizkeria.

Petronorren, behar besteko konpromisoa daukagu, gure jarduerak eta erabakiek **ingurukoei** inolako kalterik egin ez diezaieten eta, halakorik gertatuz gero, eragindako kaltea konpontzeko behar den guztia egin dadin. Era berean, behar besteko konpromisoa hartzen dugu geure ingurukoaren garapen profesionala sustatzeko, eta, horretarako, prestakuntzarekin, enpleguarekin eta trebakuntza profesionalarekin lotutako erakundeekin lan egiten dugu.





Pertsonak



EKINTZA

STEAM bokazioak sustatzea LHko beken programaren bidez, baina, batez ere, emakumeen artean.



AZALPENA

STEAM bokazioekin lotutako LHko graduetako ikasketetarako beken programa jarriko dugu abian Somorrostroko LHko zentroan ikasi nahi duten inguruko udalerrietako ikasleentzat. Programa horren bitartez, emakumeen partaidetza sustatuko dugu, gaur egun horrelako ikasketetan duten agerpen txiki-txikiari aurre egiteko.



ADIERAZLEAK

1. 20 beka ematea.
2. Beken %50 baino gehiago esleitzea deialdiko eskakizunak betetzen dituzten emakumeen artean.



GIHEKIKO EKARPENAK





Pertsonak



EKINTZA

Jokabide mendetasun-sortzaileak prebenitzea, drogen ondorioen eta kontsumoaren arriskuen inguruan sentsibilizatzeko.



AZALPENA

Geure langileei behar besteko prestakuntza ematea substantzia horien efektuei buruz; esate baterako, nola desitxuratzen duten errealitatearen pertzepzioa. Horrela, prebentzioa eta egoera horretan daudenen tratamendua zein errehabilitazioa sustatuko dira.



ADIERAZLEAK

Gutxienez langileen %75 prestatzea.



GIHEKIKO EKARPENAK





3.7 Etika eta gardentasuna

Gure jokabide etikoaren arabera, legea bera ez ezik, bere espiritua ere bete behar dugu zorrotz-zorrotz. Ardatz honetan, helburu guzti-guztiak zehazten ditugu, konpainiak Petronorreko langile guztientzako eta bere hornitzaile, kontratista nahiz enpresa laguntzaileentzako **osotasunaren eta erantzukizunaren kultura sustatu eta suspertzen duela** ziurtatzeko.

Horrez gain, guretzat gardentasuna eta egoeraren berri emateko prozesua **Petronorreko Jasagarritasun Ereduaren** elementu bereizgarriak dira. Sinesgarria izateko, funtsezkoa da beti-beti gardena izatea.

Komunikazio-kanalak garatzen ditugu geure **ingurune** hurbileneko **elkarte-sarearekin**, batetik, berretzat interesgarrienak izan daitezkeen proiektuak jakitera emateko eta, bestetik, lankidetzarako ekimenak antzeman ahal izateko.





Etika eta gardentasuna



EKINTZA

Petronorreko aholkulari-talde publikoen metodologia berrikustea, gazteen partaidetza sustatzeko asmoz.



AZALPENA

Petronorrek bere inguruko hiru udalerrietan dituen aholkulari-talde publikoak funtsezkoak dira herritarrekin daukagun harremanean, hurbiltasuna eta gardentasuna bermatzen dituzte-eta. Proiektu honen bidez, talde horien dinamika zein metodologia eguneratuko ditugu, gazteek bertan parte hartu dezaten eta, horrela, haien ikuspegia, kezka nahiz ideiak topagune horietan kontuan hartu daitezten.



ADIERAZLEAK

Metodologia berrikustea eta 2024an abian jartzea.



GIHEKIKO EKARPENAK



4. Plana eguneratzeko PROZESUA

Iraunkortasun Plana dokumentu dinamikoa da

Urtero, plan hau osatzen duten ekintzen lorpen-mailaren berri emango dugu, eta, horretarako, **amaierako txostena** argitaratuko dugu.

Bestetik, gure alderdi interesdunentzat kezkarriak diren gaiak edo aurreikuspenak aldagarriak direnez eta urtean jazotako gertaeren bilakaerarekin lotuta daudenez, plan hau **urtero** eguneratuko da ekintza berrien bidez, edo, bestela, indarrean daudenak zehaztuko dira berriro, egoera berrira egokitu ahal izateko.

Plana eguneratu ahala, bete diren ekintzen azterna geratuko da haien atzean, eta, denak batera, gure konpainiak garapen jasangarrira egindako ekarpena izango dira.





